



14. februar 2007

Inatsisartut Ingerlatsinermi Inatsisaanni § 36 stk. 1 malillugu imaattumik Naalakkersuisunut apeq-quteqaateqarpugut:

Naalakkersuisunut apeqquteqaat pillugu Naalakkersuisunut Ilaasortap Tommy Marøp poli-tiinut saaffignissimanerani paatsiveerusimaarneq, tamatumalu kinguneranik oqallittoqa-lerneru.

(Demokraatit Inatsisartuni Ilaasortaaitai)

Demokraatit Naalakkersuisuni Ilaasortatut Tommy Marøtulli malersuinissaq, nikanarsaatnik oqa-lunnissaq inoqatinilluunniit ajortisaarinissaq piumannngilluinnarpaat. Tamakku tunngavigalugit tu-paallaatigeqaarput Naalakkersuisunut Ilaasortap nassuiaatimini Demokraatini Inatsisartunut ilaasor-tamik atianik taallugu malersuina ajortisaarinalu.

Naalakkersuisunut Ilaasortaq oqarsimanerapoq Torsuusarsuarmi Demokraatit Inatsisartuni Ilaasor-taat Marie Fleischer ilisimatissimallugu tassaalluni nammineq Sermitsiami tusaamaneqaleqisumik eqqartorneqarsimasoq. Taama pisuutitsineq eqqortuliornerunngilaq.

Demokraatinummi Naalakkersuisunut Ilaasortap Inatsisartuni partiinut tamanut ammasumik nas-suiaataa isigaat Naalakkersuisunut Ilaasortaq pisussaasoq sulissalluni ministeritut inatsisinik ma-linnittussaaitaanermut inatsit malillugu. Tassanilu ilaatigut allassimasoqarpoq ministeri Inatsisartu-nut eqqunngitsumik nassuiaasussaannngitsaq.

Qulaani taaneqartut tunngavigalugit Demokraatit kissaatigaat Naalakkersuisut apeqqutit makkuusut akissagaat:

1. Naalakkersuisut naammaginerpaat Tommy Marøp nassuiaammimi qanoq iliorluni partiinut ataasiakkaanut nassuiaasimanera?

Naalakkersuisut qinnuigineqarput politikerit taakku marluk Tommy Marøp Marie Fleischerillu im-minnut attaveqarfigisimanerat ima isikkoqartoq:

2. Naalakkersuisut Torsuusarsuit qanormita paasivaat?
3. Sumerpiaruna Tommy Marø Marie Fleischerilu imminnut atassuteqarfigisimasut?
4. Qangarpiaq Tommy Marø Marie Fleischerilu imminnut atassuteqarfigisimasut?
5. Sorliup kina atassuteqarfigaa?
6. Oqaloqatigiinneq taanna naatsumik oqaatigalugu qanoruna imaqarsimasoq?



Demokraatit iluasaarlutik Naalakkersuisut ilisimatikkusuppaat apeqqutit pineqartut ministeritut akissusaassuseqarnermik inatsit malillugu akineqartariaqarmata. Aamma iluasaarluta ilisimatitsissuti-gerusupparput Demokraatit ilisimalluinnarmassuk Marie Fleischer sumiissimanersoq, taamani 15. december Sermitsiap allaaserisaminik saqqummiussineraniit decemberip 22-anut.

Naalakkersuisunut Ilaasortaq Tommy Marø nassuiaammini ilaatigut oqaaseqarpoq nammineq politiinut saaffiginnissimanani angerlaateqqulluni. Taassuma pingaartumik soqutiginaatigaa Naalakkersuisut Siulittaasuata Demokraatit Inatsisartuni ilaasortaatitaannut Palle Christiansenimut akissutaani paarlagaianermut, taannalu ministeritut akissusaassuseqartutut inatsimmi aalajangersakkat malillugit 13. januar 2007 imaattumik nassuiaateqarpoq:

Nal. 04.02: Telefonit sianielerruttortut Naalakkersuisunut Ilaasortaq aalakoornu iserpoq. "Uggornaqaaaq innuttaasut politiit politikerillu ataqqinngimmatigik. Angerlaassinnaangili-sinna" Naalakkersuisunut ilaasortaq oqarpoq. Saaffiginnissut politiinit itigartineqarpoq, tamatumalu kingorna politikeri ingerlaqqippoq."

Apeqqut 1:

Pisimasup taassuma ingerlasimanera Naalakkersuisut tapersinnaanerpaat?

Naalakkersuisut Siulittaasuata akissutaa:

Paasissutissat iluoornerarneqarsinnaapput naalakkersuisunut ilaasortap uannut nassuiaatai malillugit. Naalakkersuisut Naalakkersuisunulluunniit Ilaasortaq politiinit saaffigineqarsimangillat taama saaffiginnissimaneq pillugu.

16. januar 2007 – tassa Naalakkersuisunut Siulittaasup akissuteqarneraniit ullut pingasut qaangiuttut - Naalakkersuisunut Ilaasortaq Tommy Marø KNR-imi Radioavisimut imaattunik oqaaseqarpoq:

"Unnuk taanna politiinut saaffiginnissuteqarpunga suminngaanneerpera apeqqutiginaa aamma Naalakkersuisunut Ilaasortatuunngitsoq nalunaarutigiarlorlugu imerniartarfiup silataani kamaattut nalunaarutigiarlorlugit. Akuerisinnaangilara inuit isiginnaaginnartut iliuuseqaratillu, isumaqarpungalu pisussaallunga politiinut nalunaarutigissallugu.

Politiinullu nalunaarutigaara kamaattoqartoq, sumilu taama pisoqartoq, taavalu iluatsillugu politiit aperaakka Nuussuarmukaassinnaanginneraanga, taxanik pissarsisinnaanginnama, immikkut angallanneqarnissara qinnutiginnilara, pisinnaangillallu ulapikkamik, taavalu ingerlaqqiinnarpunga,"

7. Naalakkersuisunut Ilaasortap aalajangiusimanerpa ilumut kamaattoqarnera politiinut nalunaarutigiarorsimallugu KNR-imi 16. januar 2007 oqarnermisut?

- a. Taamaassimappat; soq taava Naalakkersuisut Siulittaasuata Palle Christiansenimut akissutaani ersitsoqanngila? Naalakkersuisut ilanngullugu qinnuigineqarput uppernaasaaseqqullugu ilumut taama nalunaariartortoqarsimanersoq.
- b. Taamaassimangippat; taava soq Naalakkersuisunut Ilaasortaq politiinut saaffiginnissimava?



Nassuiaammini Tommy Marø allappoq:

”Kattusseqatigiillu Partiiata allaffia matoqqammat, allaffiannut nalunaaruteqarsinnaasimangilanga”

Naalackersuisut qinnuigineqarput nassuiaatigeqqullugu Naalackersuisunut Ilaasortap Kattusseqatigiit Partiiat nassuiaanniarsimagaluarneraa:

8. Naalackersuisunut Ilaasortap qasseriarluni Kattusseqatigiit Partiiata allaffia nassuiaanniarlugu sanioqqussimagaluarpa?
9. Qangarpiaq Naalakakersuisunut Ilaasortaq Kattusseqatigiit Partiiata allaffianut nassuiaassiartortarsimagaluarpa?
10. Naalackersuisunut Ilaasortap Tommy Marø maluginiarsimanerpa Kattusseqatigiit Partiiat – partiit allatulli – Namminersornerullutik Oqartussat qarasaasiaqarfiannut atassuteqaateqarmat, taamaalillunilu ajornanngitsunnguamik ilisimatinneqarsinnaalluni?
11. Naalackersuisut iluaqutaassangatinnerpaat Inatsisartut ilisimatittassallugit – tassunga ilanngulugit Inatsisartuni partiit – emailit, telefax allakkalluunniit aqutigalugit?

Demokraatit ataqqinnillutik Naalakakersuisut ilisimatikkusuppaat, ministeritut akisussaassuseqarnermut inatsit malillugu apeqqutit akineqassammata.

Demokraatit neriutigaat Naalackersuisut isumaqatigissagaatigut, suliassaq aallartissimagaangat inissavianut apuunneqartassasoq. Taamaattumik neriutigaarput Naalackersuisut apeqquteqaatigut naammaginatumik akissuteqarfigissagaat, suliaq tassunga killinniassammata.

Apeqqutit akeqquneqarput tiguneranniit ullut suliffiusut qulit qaangiutsinnagit akineqaqqullugit.